



SOMALISKA

**Barnaamujka ganacsiga- iyo maamulka waa barnaamuj xirfadeed oo lagu qaadanaayo shahaado xirfadeed.**

Barnaamujka ganacsiga- iyo maamulka waa barnaamuj ku habboon qofkii rabo in uu ka shaqeeyo ganacsi, maamul iyo isgaadhsiin.

Shaqada waxaad bilaabi kartaa toos marka aad waxbarashada dhameysid ama waxaad aadi kartaa jaamacadda xirfadaha, oo waxbarashadaada ku sii wada kartaa. Waxaa kale aad doorankartaa in aad koorsooyin dheeraad ah akhrisatid si aad jaamacadda u aadid.

#### LABO JIHO OO KALA DUWAN

##### Shaqo maamuleed

- Waxaad wax ka barandoontaa maamul, hoggaamin iyo urur shirkadeed iy idaarad guud. Sidoo kale waxaad wax ka barandoontaa qandaraasnimo iyo adeegidda. Jihadu waxa ay ku siineysaa fursad aad uga shaqeysid shaqo oo tusaale ahaan ah xooghaye ganacsi, maamulaha qalabka warbixinta loo adeegsado, xoghayaha seylad, xoghayaha shaqaale, xoghayaha xisaab xidh iyo shaqo xagga u adeega macmiil iyo soo dhaweynta.

##### Ganacsi iyo u adeeg dadweyne

- Waxaad wax ka barandoontaa ganacsiga tafasiilka- iyo qeybta. Sidoo kale waxaad barandoontaa ganacsiga internetka, hoggaamin iyo shirkadeyn iyo qandaraasnimo, u adeegid dadweyne iyo isgaadhsiin. Jihadu waxa ay ku siineysaa fursad aad uga shaqeysid shaqo oo tusaale ahaan ah isgaadhsiiyaha tukaan, wax iibiyaha tukaan, wax iibiyaha shirkad, wax iibiye, wax soo gade, suuq geeye iyo shaqo xagga kontaroolidda alaab iyo u adeega dadweyne.

##### Waxaan baad barnaamujka ku barandoontaa

Waxaad wax ka barandoontaa iibin, wax soo gadid, badeecooyinka habka ay u qulqulaan, cilmiga kontaroolidda alaab, cilmiga suuq geynta, badeecad, farac iyo horumarka ganacsiga. Waxaad dhigandoontaa shaqo maamul ah iyo shaqo abaabuleyn shirkad dhexdeeda iyo idaarad guud dhexdeeda, sii wadidda dhaqaalaha, isgaadhsiin, u adeegid dadweyne, shaqada kulanka- iyo soo dhaweynta.

Barnaamujka waxaa miisaanka la saarayaa su'aalaha ku saabsan deegaanka shaqada si looga hortago dhaawacyada shaqada iyo si loo dhiso caafimaad fiican.

##### Sidaan buu barnaamijku u diyaarsanyahay

Barnaamijka xirfadeed maadooyinka dugsiga sare oo wadajirka loo leeyahay waa: ingiriis, taariikh, ciyaaraha- iyo caafimaadka, xisaabta, cilmiga sayniska, cilmiga diiniga, cilmiga barashada mujtamaca, iswiidhishka ama iswiidhishka oo

luuqadda labaad ah. barnaamijka xirfadeed waxaad akhrisan doontaa maadooyin xirfadeed oo badan, oo loo yaqaano maadooyinka sifooyinka, iyo maadooyinka aad ku soo dhigatay dugsiga aasaasiga ah oo yaraaday.

Maadooyinka sifooyinka wadajirka loo leeyahay ee barnaamijka waa: qandaraasidda, iibsiga iyo u adeega macmiisha, ganacsiga, warbixinta iyo isgaadhsiinta.

Waxaad fursad u helaysaa in aad ku takhasustid oo aad cilmi dheeraad ah u yeelatid barnaamijka. Waxaa taas la dhahaa si qoto dheer ah barnaamijka loo galo. Iskoolka ka wareyso maadooyinka si qoto dheer ah loo sii galayo oo ay soo bandhigayaan.

Sidoo kale waxaad leedahay doorasho gaar ahaaneed oo aad dooran kartid waxa aad akhrisaneysid. Iskoolka weydii koorsooyinka ay heystaan.

### **Habka shaqada**

Barnaamujka waxaad ku barandoontaa awoodaada aad dadka ku soo dhaweysid iyo aad u horumarisid xiriirka aad la leedahay dadka aad la ganacsatid iyo dadka aad la shaqeysid. Waxaad isbari doontaa raadinta, sameynta baadhis sax ah iyo qiimeynta warbixin iyo mas'uul qaadinta iyo talaabo qaadinta si qiimo wanaagsan.

Badanaa waxaad shaqeyn doontaa si hab mashruuc ah, sidoo kale waxaad tababari doontaa awoodaada firfircoonida iyo shirkadeynta.

### **Shaqada dugsiga sare**

Dhamaadka barnaamujka ganacsiga- iyo maamulka waxaad suubineysaa shaqada dugsiga sare oo waxaad ku suubineysaa goobta xirfadeed aad dooratay. Markaas waxaad muujineysaa in aad heshay cilmiga loo baahanyahay si loo bilaabo in lagu shaqeysto waxa aad baratay.

### **Shaqo gacmeed**

Qeybab waxbarashada ka mid ah waxaa la dhigan doonaa ugu yaraan 15 isbuuc waxaana lagu dhiganan doonaa hal goob oo shaqo ama goobab badan oo shaqo, waxaana la dhahaa tababarka shaqada (apl). Waana qeyb muhiim ah oo ka mid ah waxbarashada. Apl wuxuu ku siinayaa waayo aragnimo iyo xidhiidhyo oo aad ka faa'iideysan kartid marka aad shaqo raadsaneysid.

### **Waxbarashada tababartaha**

Barnaamujka dhexdiisa waxaa jirto fursad lagu doorto waxbarasho tababarte oo dugsiga sare ah. Taas micnaheedu waa in aad helaysid isku cilmi laakiin ugu yaraan waxbarashadaada barkeed waxaad ku suubineysaa hal meel ama meelo badan oo goob shaqo ah.

### **Arrin in lagu fikiro u baahan**

Haddii aad rabtid u qalmida jaamacadda waxaa muhiim ah in aad qorsheysatid daraasooyinkaada. Doorashada gaarka ah dhexdeeda, iyo ama haddii iskoolku soo bandhigo, si qoto dheer ah in loo dhex galo barnaamujka waxaad dooran kartaa in aad akhrisatid koorsooyinka loo baahanyahay si loo helo u qalmidda jaamacadda oo aasaasi ah. Kuwaasi waa koorso oo iswiidhish ah ama iswiidhish oo luuqadda labaad ah iyo koorso ingiriis ah. Waa ay ficantahay in lala hadlo macallinka xirfadaha- iyo waxbarashada, haddii aad rabtid in aad jaamacad aadid.

Markasta waxaad xaq u leedahay, doorashada gaarka ah dhexdeeda, in aad dooratid koorso sii dheer oo ciyaaraha- iyo caafimaadka ah iyo koorso bilic ah.